

Bosna i Hercegovina  
FEDERACIJA BOSNE I HERCEGOVINE  
KANTON SREDIŠNJA BOSNA  
MINISTARSTVO PRAVOSUĐA I UPRAVE

Broj: 03-05-8395/2021-3  
Travnik, 4. 1. 2022.

**PREDMET:** Informacija, kupovina nekretnine za potrebe formiranja  
odjeljenja Općinskog suda u Travniku sa sjedištem u Vitezu,

Zakon o sudovima u Federaciji BiH („Službene novine Federacije BiH“, broj: 38/05, 22/06, 63/10, 72/10, 7/13, 52/14 i 85/21) u članu 22. određuje da Općinski sud u Travniku ima odjeljenje izvan sjedišta suda i to odjeljenje u Vitezu za područje općine Vitez i područje općine Busovača. Nadalje, istim članom Zakona o sudovima je određeno da će navedeno Odjeljenje započeti s radom kada se za to ispune svi neophodni uvjeti.

Vlada Kantona Središnja Bosna je svojim Zaključkom, broj: 01-04.9038/21-66 od 30. 12. 2021. godine dala suglasnost Ministarstvu pravosuđa i uprave za provođenje procedure za kupovinu nekretnine za potrebe formiranja odjeljenja Općinskog suda u Travniku sa sjedištem u Vitezu.

U cilju osiguranja transparentnosti provođenja procedure kupovine odgovarajuće nekretnine, Ministarstvo pravosuđa i uprave poziva zainteresirane fizičke i pravne osobe koje imaju u vlasništvu nekretninu (potpuno ili djelomično izgrađena građevina sa pripadajućim zemljištem) površine 1.500m<sup>2</sup>-2.500m<sup>2</sup> u užem gradskom području općine Vitez da dostave svoje ponude ovom Ministarstvu u roku od 8 (osam) dana od dana objave ove informacije na web stranici Vlade Kantona Središnja Bosna (<https://sbk-ksb.gov.ba>).

Uz pisanu ponudu koja sadrži osobne podatke o ponuđaču (naziv/ime i prezime, sjedište/adresa vlasnika, kontakt telefon, e-mail ponuđača) i cijenu za ponuđenu nekretninu izraženu u konvertibilnim markama (KM) ponuđači trebaju priložiti i sljedeću dokumentaciju:

- Zemljišno-knjižni izvadak, original ne stariji od 15 (petnaest) dana ili njegovu ovjerenu kopiju;
- Izvadak iz katastarskog plana i posjedovni list, original ne stariji od 15 (petnaest) dana ili njegovu ovjerenu kopiju.

Ministarstvo će nakon zaprimljenih ponuda angažirati vještaka odgovarajuće struke sa zadatkom da izvrši procjenu datih ponuda, te će isto proslijediti Vladi Kantona na daljnje postupanje. U vezi sa prethodno navedenim, ponuđač se obvezuje da omogućiti uvid u svu relevantnu dokumentaciju za procjenu vrijednosti kao i neometan pristup nekretnini.

Ponuda sa traženom dokumentacijom se treba dostaviti Ministarstvu pravosuđa i uprave u traženom roku od 8 (osam) dana od dana objave na web stranici Vlade Kantona Središnja Bosna neposredno ili poštom preporučeno na adresu Stanična 43, Travnik.

S poštovanjem,



**MINISTAR**

Zoran Marković